

# BIGARREN HIZKUNTZA ESKAKIZUNA

Hizkuntzen Europako Erreferentzia Marko Bateratuaren B2 maila

## MINTZAMEN PROBA

- Saio bakoitzean bi azterketarik hartuko duzue parte.
- Probak aurkezpena eta bi ariketa izango ditu. Atal guztiak egin behar dira.
- Lehenengo ariketa alde zuzenetik prestatu behar duzu.
- Egin beharreko probaren alderdiren bat ulertzen ez baduzu, azterketa hasi baino lehen, epaimahaiari eskatu beharko diozu zalantzak argitzeko.
- Saioa grabatu egingo da.

	PROBAREN EZAUGARRIAK	AURREIKUSITAKO DENBORA	PUNTUAZIOA (GEHIENEZ)	PUNTUAZIOA (GUTXIENEZ)
MINTZAMEN PROBA	<p><b>Aurkezpena</b></p> <ul style="list-style-type: none"> <li>• Ez da ebaluatuko.</li> <li>• Labur-labur bakoitzak bere burua aurkeztuko du (Nor/NANa/nongoa/lana).</li> </ul> <p><b>1. ariketa: Bakarrizketa</b></p> <ul style="list-style-type: none"> <li>• Aldez aurretik prestatuko duzun gai bat azaldu behar duzu. Gero, beste azterketariari entzundako azalpenari buruz galderaren bat egingo dizute aztertzaileek.</li> <li>• Gaia, hari buruzko argazkiak, informazio laburra eta galderak edukiko dituzu azalpena bideratzeko.</li> <li>• Denbora: 3 min azalpena egiteko eta 2 min aztertzailearen galderari erantzuteko.</li> <li>• Batak bukatzen duenean, besteak ekingo dio.</li> <li>• 15 puntu.</li> </ul> <p><b>2. ariketa: Elkarrizketa</b></p> <ul style="list-style-type: none"> <li>• Gai baten inguruko fitxa banatuko zaizue.</li> <li>• Iritzia trukatzeko egoera bat aurkeztuko zaizue. Helburua argumentatzea, negoziatzea eta informazioa trukatzea da.</li> <li>• Denbora: 1 min fitxa begiratzeko, eta 6 min elkarrizketan aritzeko.</li> <li>• 15 puntu.</li> </ul>	<p>30 min</p> <p>(10 min gaia prestatzeko dira)</p>	30	15

## 1. ariketa. Eman zure iritzia gai honi buruz

- 10 min dituzu gaiari buruz duzun iritzia antolatzeko eta azterketan esango duzuna prestatzeko. Horretarako, laguntza gisa ematen dizkizugu gaiaren inguruko argazkiak, informazioa eta gidoitxo bat. Gero, 3 min dituzu azalpena egiteko.
- Amaieran, beste azterketariari entzundako azalpenari buruz galderaren bat egingo dizute aztertzaileek.
- Ebaluatzerakoan, hauek hartuko dira kontuan:
  - gaiari heldu diozun,
  - esaten duzuna ulergarria den,
  - euskara nola erabiltzen duzun: jarioa, zuzentasuna eta aberastasuna.

## KULTURA BONUAK



**+ e k +** kulturaz hazi  
consuma cultura

# KULTURABONUA

Bono hau liburuak, diskoak, pelikulak, dantza ikuskizunetarako, zinemarako, antzerkirako, museoetarako... sarrerak erostera zuzenduta dago, atxikitutako saltokietan.

Kontsulta itzazu [www.kultura.ejgv.euskadi.net](http://www.kultura.ejgv.euskadi.net) eta [www.cajavital.es](http://www.cajavital.es) web orrietan

\*Zenbateko hau erosketa bakar batean eta atxikitutako saltoki bakar batean gastatzeko da, datorren 2011ko urtarrilaren 20a arte (barne).

2010 / 2011

SALMENTA-  
PREZIOA:

**25€**

EROSKETAREN  
BALIOA\*:

**40€**

Caja Vital Vital Kultura

EUSKO JAURLARITZA GOBIERNO VASCO

KULTURA SALA DEPARTAMENTO DE CULTURA


Kultura-bonuak dira kultura-produktuen kontsumoa bultzatzea helburu duten txartelak. Bonuak erosten dituztenek dirua aurrezten dute, saltzaileek gehiago saltzen dute eta Administrazioak, ekimen horren antolatzaileak eta diruz laguntzen duenak, kultura sustatzen du. Baina badago kultura-produktuen kontsumoa beste modu batean bultzatu behar dela uste duenik ere.

- Zer uste duzu kultura-bonuez? Zergatik?
- Zein dira ekimen honen alde onak eta txarrak?
- Zer beste ekimen iruditzen zaizu egokia kultura-produktuen kontsumoa bultzatzeko?

### 1. ariketa. Eman zure iritzia gai honi buruz

- 10 min dituzu gaiari buruz duzun iritzia antolatzeko eta azterketan esango duzuna prestatzeko. Horretarako, laguntza gisa ematen dizkizugu gaiaren inguruko argazkiak, informazioa eta gidoitxo bat. Gero, 3 min dituzu azalpena egiteko.
- Amaieran, beste azterketariari entzundako azalpenari buruz galderaren bat egingo dizute aztertzaileek.
- Ebaluatzerakoan, hauek hartuko dira kontuan:
  - gaiari heldu diozun,
  - esaten duzuna ulergarria den,
  - euskara nola erabiltzen duzun: jarioa, zuzentasuna eta aberastasuna.

### GURE JATORDUAK, GURE ORDUTEGIAK



Europako beste herrialde batzuekin konparatuta, Ipar Europako herrialdeekin batez ere, oso desberdinak dira gure jateko ordutegiak eta janarien banaketa. Adituen ustez, gure ordutegiak eta jatorduak ez dira batere egokiak, ezta osasungarriak ere, eta ezinbesteko ikusten dute aldatzea.

- 
- Zer deritzazu gure jatorduei? Zergatik?
  - Zein dira gure ordutegi eta jatorduen abantailak eta desabantailak?
  - Ontzat hartuko zenituzke hemen Ipar Europako herrialdeetako ordutegiak eta jatorduak?

## 2. ariketa

**Gaiaren inguruko bat-bateko elkarrizketa egingo duzue orain.**

- Iritzia trukatzeko egoera bat aurkeztuko zaizue.
- Helburua: argumentatzea, negoziatzea eta iritzia trukatzea.
- Kontuan hartuko dugu zenbat/nola parte hartzen duzuen.

Materiala eman (bakoitzari bere fitxa).

Zer egin behar duten azaldu:

### ■ Egitekoa:

## ZER IRAGARKI-MOTA KENDUKO ZENUKE TELEBISTATIK?

*Egunero publizitate-bonbardaketa itzela jasaten dugu hedabide guztietatik. Azken ikerketen arabera, egunero hiru mila iragarkiren inpaktua jasaten dugu eta telebistakoak dira eragin handiena dutenak. Iragarkiak mota guztietakoak dira, batzuk lagungarriak izan daitezke eta beste batzuk, berriz, kaltegarriak.*

Fitxan ikusiko dituzuen **argazkietan** hainbat iragarki-mota daude. Zuen ustez, zein iragarki-mota kendu beharko litzateke telebistatik? Zergatik? **Komentatu eta zeuen iritzia eman, bakoitzak berea. Horren ondoren, zeuen artean eztabaidatu eta iritzia trukatu.**

- 1 min duzue fitxa begiratzeko, eta 6 min inguru elkarren artean elkarrizketa egiteko.

Jardunaren bitartean:

- Hitz egiten utzi eta denbora kontrolatu.
- Beharrezkoa bada, esku hartu, moztu, txanda aldatu... (komunikazioa eteten bada, desoreka badago, ekoizpena laburregia bada)
- Horretarako, hemen dituzu galdera osagarriak:

### Galdera osagarriak

- Zer eragin dute iragarkiek gugan?
- Iragartzen ez dena ez da saltzen?
- Egokia al da alkoholari eta tabakoari buruzko iragarkien debekua?

## ZER IRAGARKI-MOTA KENDUKO ZENUKE TELEBISTATIK?

